


V C  
1797











**Bekentnis Tho-**  
**mas Muntzers et-**  
 wa pfarner zu Alstedt vñ yze  
 in dem Aufferischen hauffen  
 zu Franckenhausen befunden /  
 Gescheen in der gathe dinstags  
 nach Cantate Anno  
 1 5 2 5

Ein Sendbrieff Thomas  
 Muntzers an die zu  
 Mülhausen.





Er will nicht das man das heylige hochwirdige Sacrament anbeten soll anders dann ym geyst / Sonder es stehe yn eins yden wilkore.

Bekent das er das Sacrament den Francken gereycht nach mitage/auch in der nacht/nach eynes yden gelegenheit/wan er auch gleych geessen hat/ hab weyn vnd brot genommen vnd consecrirt.

Im Clegkaw vnd Hegaw bey Basel hat er etliche artickel wie man herschen sol auß dem Euangelio angeben / daraus forder andere artickel gemacht//hetten yne gern zu sich genommen/hab yhn aber gedancet/habe empörung nicht gemacht/ Sondern sind bereyt: zu vor auffgestanden gewesen. Ecolan & padius vñ Hugefeldus haben yhn des orts geweyset zu predigen zum volcke/do er dann gepredigt/das vnglaubige Regenten/were auch vnglaubigt volcke/das doselbst ein rechtfertigung werden solt. Die briefe so yhme die selbigen geschriben hab seyn weyp bey sich in eynem sagte.

Sagt das die Schloffer ganz beschwerlich sind vñ vberladen mit dinsten vñ ander beschwerung gegen die vnterthanen

Sage das ein Fürst mit acht/ein Graff mit vier/ein Edelman mit zweyen pferden reyten soll vñ darvber nicht.

In seynem verpintnus sein gewesen die Alstetter / Bartel Krump ein gerber/ vnd Baltazar Stubener/ doselbst habens angefangen die auffuer. Item der Schloffer ist auch dar ynne/wiewol er sich erstlich schwer darzu gemacht. Ist die verpintnus widder die so das Euangelium verfolgt/ gewesen. vnd haben die zwan das Register gehabt dareyn die bundgenossen eyngeschriben seyn.

Er Thilo Ganse zu Sangerhausen prediger hat yhne ermannt: eyn brieff an die Gemeyne doselbs zuschreibē/bey dem  
Euangelio





Evangelio zustehen/vnd die so yhne entgegen zuwerfolgen /  
das von yhme also geschehen.

Sagt das Doctor Straus hab zu Weynmar angeregt als  
er mit den Parfassern doselbs disputirt/ Ist er auffe fordern  
des Landsfursten Hertzog Johans erschinnen / habe er sich  
vernemen lassen zu den brüdern/Wo die Luterischen nichts  
anders außrichten wolten / dan das sie Mönch vnd Pfaffen  
verirten/hetten sie es gleich someer vnterwegen lassen . Habe  
sind der zeit widder yhne geschrieben in einer Epistel an Jo-  
hans Kölern zu Mulhausen.wo yne des wegcs nicht verdros-  
se/möcht er wol gehen Mulhausen komen/vñ yhn vertreybē  
sey villeicht darüb geschē das er gern selbs da gewesen were

Vrsache das er M.G.H. dem Landsfursten vnd Grauen  
Ernesten zu Mansfeldt beschediget/vnd gescholden sey dar  
umb gescheen/ dan sich die vnterthan beclagt das yn dz wort  
gottes nicht gepredigt/habe er yn beuolhen eynem yedern set-  
nem Obern an zuzeigen woe das selbs nicht gepredigt vnd  
yne verpotten wurde zum wort gottes zugeen das sye alsdan  
zu yme kōmen / wolt er yne das predigen/ daran solten sie sich  
nicht verhindern odder yren lassen.

Die von Mulhausen haben yne eingelassen vnd Johann  
Koder ein kurfner vñ der Weinbūner bey sanct Blasius ha-  
ben yn angenommen.

Ist zu Vellerbach bey Alstett gewest vnd gesehen das sie ee-  
liche bildt aus der kyrchē getragen vñ hernachmals dye kyrch  
verpriant/hab gepredigt das es eyn spelunck sey vnd ein abgō-  
terey mit den zeichen die man von wachs hintreckt/sey vō goe  
nicht gebotē/darauff dē kleussener doselbs gewarnet hinweck  
zuziehē das also gescheē hernachmals sey die kyrch ausgebrāt

Er Apel Ellenwents hauf ist von den brudern zu Mul-  
hausen goblübert vñ zerbrochē/das es ein beswerlich hauf sey

a ij Auß





auff etlichen articeln so die bruder bewegt die yne nicht wisslich seyn/die zwelff articel der Schwarzwelder barren gewesen vnd andere.

Der Rath vñ Mulhausen hat in die verpintnus nicht wollen willigen. Sondern haben den bundt dem gemeinen man nachlassen. Claus Starck vñ Marx Stübener vñ Zwickaw sein bey Luther zu Wittenberg gewesen in einem stublein/des orts sey er auch gewesen/hab sich der Luther vernemen lassen das er den Alstetischen geyst vber die schnauße gehawen/sey nicht personlich auff dismal darbey gewesen/

Er Gangolff der Sichen prediger zu Franckenhausen hat ein Senleyn angenommen/ Sein die von Heringen vñ Gressen darunder gewesen.

## Heinlich.

Heinrich Gebhart zu Zwickaw in der hundsgassen same Hans Gebhart yhren anhenge/sein Wulleweber/sein auch in seinem verpintnus mit.

Er Heinrich Pfeiffer hat angegeben das genugt sey das yn einer yden pflege ein Schlos sey/die andern sol man zerstören

Hat das vroteyl vber Matheren von Sehofen gesprochen auß dem müd der Gemeynde/vñ hat dareyn gewilliget hab sich geforcht vor Graff Ernsten vnd vor der gemeynde.

Hat sein zuflucht vñ verlaß auff Mulhausen gehabt/das es yhme also wolgefallen/sein seyne principal doselbs zwene wie oben/Kursner vnd Weinbömer.



Bekent/woe er das Schlos Heldrung erobert/das er Gra-  
uen Ernesten sein haubt wolt abgeschlagen haben.

Die emporung hab er darumb gemacht/das die christen-  
heit solt gleich werden/vnd das die Fursten vnd Herren die/  
dem Euangelio nicht wolten beystehen vnd yhr verpintnus  
nicht wolten annehmen wenn sie des brüderlich erinnert/sol-  
ten vertrieben vnd todtgeschlagen werden.

Bartel Krump

Bartel Zimerman von Alstet

Peter Warmut

Niclas Kucker

Andres Krump

Bischoff zu Welffenroedt

Hans Rodeman

Im Thal Mansfelde

Peter Schute

Peter Beher

Thilo Fischer zu Wimmelburck

Thilo Danse

Peter Rodoman von Sangerhausen

Sein ym Alstetischen verpintnus gewesen.

Ist yhr Artickel gewesen/Omnia simul cōmunia/ das ist/  
Alle ding sollen gemeyn seyn/vnd sollen yedem nach notturft  
ausgeteylet werden nach gelegenheyt. Vnd welcher Furst/  
Graff'odder Herr das nicht thun wurde/vnd des erstlich er-  
ynergert den sol man die köph abschlahen odder hengen.

Das Register hat Bartel Krump zu Alstet.

Zu Ascherfleben vñ Hall hab er yn der Jugend als er Col-  
laborator da gewesen/auch eyn bundt gemacht.

Darynne seyn

a iij

Peter



Peter Blinte zu Ascherleben.  
Peter Engel ist ein Kirchner.  
Hans Buttner.  
Cunz Sander zu halla.

Ist wieder den Bischoff Herzog Ernesten hochlöblicher gedechtnus gewesen.

Woe es yme recht gangen nach seinem sinne / wolt er das landt vff zehen meylwegs vmb Mulhaußen eingenommen haben / Vñ das landt zu Hessen vñ mit den Fursten Grauen vñ Herren die sich yn yren bundt nicht hetten begeben wollen fort gefarn wie gehört.

Die vñ Mulhaußen habē yme acht Karēbuchsen geliehen.

## An die Cristliche Gemeyn vñ Rath zu Mulhaußen meinen lieben Brüdern.

**H**eyl vnd Seligkeyt durch angst todt vñ hell Zuuo  
an Lieben Brüder nach dem es gotte also wolgefelt  
das ich von hiñe scheyden werd yn warhafftiger erkentniß gotliches nahmens vnterstatunge ethlicher missebre  
u. h vom volck angenommen mit nicht recht vorstandē / Alleyn  
angesehen eygen nutz der zum vntergangē götlicher warheyt  
gelangt / Bin ychs auch hertzlich zu friden das gott also vor  
fugēt hat mit allen seynen volzogenē wercken welche müssen  
nach dem euserlichē ansehē nicht / sonder yn warheit geurteylt  
werdē Ioan. 7. Darumb solt yr euch meines todes nit ergern  
welcher zu forderung dem vnuorstendigen geschēhen ist / Der  
halbē ist mein freuntlich bit an euch yr wollet meinem weybe  
die gutter so sie hat / lassen volgen / als bucher vñ kleyder was  
das selbig ist. Vñ sie nichts (vmb gottes willen) lassen entgel  
ten / Lieben brüder es ist euch hoch vñ nöten damit yhr solche  
schlappen



395  
Schlappē auch nicht entpfanget wie die vō Franckenhausen  
den solchs ist one zweyffel entsprossen, das ein yder seinen eygē  
nutz mehr gesucht/dan̄ rechtfertigūg der christenheit. Darūb  
nempt der sach eben war/das yhr nicht weytter verursacht eu  
ren schadē/das schreib ich euch zugut vō den Fräckenheussich  
en sachen / welche mit grossen blutnergissen volzogen seyn.  
Als nemlich viertauset/kommet voreynt der claren gottes ge  
rechtikeit / das euch solchs auch nicht widerfare. Ich hab  
euch offmals gewarner das die straff Gottes nicht vermiten  
kan werden/durch die Oberkeit furgenomen/es sey dan̄ das  
man erkenne den schaden / welcher alzeit erkant werden kan.  
Darumb halt euch freuntlich gegen yderman vñ erbittert die  
oberkeit nicht mehr/wie yr viel durch eygen nutz gethan habē  
Damit der gnaden Christi vñ seynem geyst beuolhen. Mit di  
ser handschufft durch Cristoffel Lamben beuelhe ich meyn  
nen geyst in die hendt gottes/vñ wunsche euch den seggen des  
Vatters/des Sohnes/vñ des heyligen Geystes. Helfft ya ra  
ten mit vleys meinem weyb/vñ fliehet zum letzten das blut  
nergissen/daruo: ich euch yzunder treulich warnen will/den̄  
ich weys das ewer der meh:erteyl yn Mulhausen dieser auff  
rurischen emporung nicht anhengig gewest/sonder das alzeit  
gerne gewert vñ furkomen / damit yhr die selbigen vnschuld  
gen nicht auch yn beschwerung/als etzliche zu Franckenhau  
sen geschehen/komen durffen. Wolt euch ya der versammlung  
vñ emporung nicht anhengig machē/Sonder gnad bey den  
Fürsten (wie ich verhoff yhr fürstlich gemuthe werden euch  
gnad erzeigē) ansuchen. Das will ich igt in meinem abschied  
damit ich die borde vñ last von meiner seele abwende/vermel  
det haben/Keyner emporung weytter stat zugeben/damit das  
vnschuldig blut nicht weytter vergossen werde. Geben zu Hel  
dung ynn meinem gefencknus vñnd abscheydt Mitwochs  
nach Cantate/ Anno . 25 .



QK 2/1797

Faint, mostly illegible text, likely bleed-through from the reverse side of the page.

Vc 1797



M.C.





TRESOR

QK Vc 1797


C.












Farbkarte #13

B.I.G.



**Bekentnis Tho-**  
**mas Müntzers et-**  
wa Pfarrer zu Alstedt vñ ytz  
in dem Auffrischen hauffen  
zu Franckenhausen befunden /  
Gescheen in der gathe dinstags  
nach Cantate Anno  
1 5 2 5

Ein Sendbrieff Thomas  
Müntzers an die zu  
Mülhausen.

11,534

